



ԼԻԼԻԹ ԶԱՔԱՐՅԱՆ

(Արվեստաբանության թեկնածու)

ԱՎԱԳ ԾԱՂԿՈՂ*

Երբեմն նույն պատումը օգտագործվում է տարրեր խմբագրություններով, նայած թե ինչ նախօրինակից է օգտվել վարպետը։ Մայր «Հայաստանի մանրանկարչության մեջ «Ծնունդը» և «Մողերի երկրագությունը» սովորաբար հանդես են գալիս միացալ։ Կիլիկիայում այս պատկերը տրոհվում է և երկու դրվագները վրադեցնում են ինքնուրույն տեղեր։ Ավագի մոտ առկա է և՝ պահանջական հայկական խմբագրությունը, և՝ կիլիկանը։ Պատկերագրությունը ընդհանրապես այն ոյորտն է, ուր բացահայտվում են մեր վարպետի աստվածաբարանական լուրջ կրթությունը, գիտելիքները և հակումները։ Կիլիկան վարպետների մշակած տիպերից օգտվելիս Ավագը ցուցաբերում է ձկուն միտք, ինքնուրույնություն, այնպես, որ ուրվանկարների թերթակի վերափոխման միշտով կարողանում է բացահայտել իր ըմբռնումը, իր տեսակետը պատումի գաղափարական առանցքի նկատմամբ։ <Որինվածքը համառոտվում է, հիմնականը զատվում է երկրորդականից, գրեթե միշտ անվերապահորեն ընդգծվում քրիստոնի առաջնակարգ դերը։ Օրինակ «Հիսուսը Սիմոն բորոտի տանը» նկարում ի տարրերություն կիլիկան օրինակների, պատկերվում են միայն գլխավոր անձինք՝ Քրիստոս և նրան նարդոսի յուղով օծող կինը. այսինքն նկարչը ներկայացնում է իրադարձության հենց

բարձրակետը, տեղի ունեցող երկխոսությունը և սրանով համուսմ հոգեբանական մեծ ներգործության։ Դիտողի ուշադրությունը կենտրոնացած է այս երկուսի վրա, որոնց միջև նկարչի հումկու ավյունի շնորհիվ ստեղծված դաշտը ներքաշում է նաև դիտողին ու ակամայից ստեղծում իրադարձությանը մասնակից դառնալու պատրանք։

«Լազարոսի հարության» մեջ կիլիկյան վարպետները ներմուծում են իրապաշտական մի մանրամասն—Լազարոսի ընկերը դիակի տարածած գարշահոտությունից ծածկում է քիթը։ Ներկա է նաև հրեաների բազմունը, որ բացակայում է վաղ «Հայկական ձեռագրերում։ Այս պատկերագրական հորինվածքը իր ընդհանուր գծերով կրկնվում է Ավագի մանրանկարում. բաց է թողնվում միայն ընկերոջ կերպարը, որ կենցաղային երանգ է հաղորդում տեսարանին, և այսպիսով շեշտվում Քրիստոսի ու Լազարոսի միջև տեղի ունեցող խորհրդի պահը։

«Կանայի հարսանիքում» կիլիկյան վարպետները Քրիստոսին հատկացնում են գըլխավոր դեր, տեղավորելով նրան հարսի ու փեսայի մեջտեղը։ Ի տարրերություն վաղ հայկական օրինակների, ուր Քրիստոսը պատկերվում է իրադարձության երկու տարբեր պահերի։ <Ետևելով խմբագրական կիլիկյան տարրերակին, Ավագը նույնպես Փրկչին մեկ անգամ է պատկերում, բայց այս անգամ արդեն ջրով լի անոթների կողքին, որոնց հետ էլ անմիշականորեն կապված է իրաշքի խորհուրդը, «նա ջուրը գինի

* Չարունակված «Եջմիածին» ամսագրի 1985 թվականի № Ե-ից։

դարձրեց, որպեսզի հայտնի լինի նրա Աստվածությունը, թե նա որ ոչնչից ջրին տվեց ջրի բնությունը, նույն ջուրը գինի դարձրեց, ինչպես և կամեցալի»¹⁵: Եվ այսպես, ամենուրեք, ուր տեղի է ունենում հրաշք, հորինվանքները համառոտված են գործող անձանց կրծատման հաշվին, հիմնականը միշտ Քրիստոսն է, պատմությունից պատմություն փոփոխվող դեմքի, ոչ միանշանակ արտահայտությամբ, բայց միշտ կարեկցանքով ու համամարդկային սիրո անխորտակելի ուժով լի: Այդպիսի համատային հազեցվածությամբ են ներկայանում Կոյրերի, Անդամալուջի, Տեռատես կոնչ, Պետրոսի զքանչի և այլ ասպաքինումներ, բոլորն էլ համովիչ, ու ճշմարտապատում, քանի որ կրում են նկարչի խորը ապրումների անջնջելի կնիքը:

Թվում է, թե Քրիստոսի աստվածային էռլայան շեշտման հետ է կապված և «Վերջին դատաստանի» Ավագի պատկերագրական խմբագրությունը: Ըստ էռլայան, այն իշխեցնում է կիլիկյան վարպետների և հատկապես Թ. Ռուխինի կողմից մանրամասն մշակված օրինակը, որի մեջ Ավագը որոշ փոփոխություններ է մոցնում: Երկու ձեռագրերում էլ (հ. 212, հ. 7650) այս պատկերները հետևում են Մատթեոսի ավետարանին: Ռուխինի բավականին լայնածավալ, բավմաթիվ դրվագներ ընդգրկող «Վերջին դատաստանը» ամբողջադիր է (հ. 539, 1262 թ.): Մինչդեռ Ավագը տրոհում է այն երկու հանդիպադիր էջերի վրա, առավելագույն ընդգելով Քրիստոսի երկնային դատավոր լինելու հանգամանքը. «Արդ, եթք մարդու որդին զա իր փառքով և բոլոր հրեշտակները իր հետ, այն ժամանակ նա պիտի նստի իր փառքի աթոռի վրա...» (Մատթեոս 16—31): Մի դեպքում Քրիստոսը որպես երկնային դատավոր մի էջի վրա հանդես է գալիս Աստվածածին հետ, մյուս դեպքում նա նորից հանդես է գալիս Աստվածնի, Հովհաննես Սկրտչի և առաջաւների հետ: «Աստիպադիր էջերին ներքնի դաշտերում պատկերվում են Վերջին դատաստանի մուս դրվագները, մեղավորների և անմեղների հարության տեսարաններով:

Նույն սեղմ ու կարճառու եղանակով են կատարված «Անառակ որդու վերադարձը», «Դու ես Պետրոս», «Խաչի Գողգոթա տանելը» պատկերները: Վերջինս բառացիորեն կրկնօրինակում է տեքստը՝ «Եվ դուրս եւնելով՝ գտան կյուրենացի մի մարդ Սիմոն անունով, ու նրան ստիպեցին, որ նա խաչը կրի» (Մատթեոս 16—32):

Ինչ վերաբերում է «Դու ես Պետրոս» մանրանկարին, ապա այն համաձայն Ո.

Տեր-Ներսեսյանի, արգու կարող է համարվել արևմտյան ավդեցության արդյունք կիլիկյան մանրանկարչության վրա, քանի որ լատինական աշխարհում էր, որ հատկապես ընդգծվում էր Պետրոս առաջյափ առաջնորդությունը մյուսների նկատմամբ¹⁶: Թեև, որքան էլ որ այդ տարօրինակ թվա, արևմտաքում այն պատկերվում է ծայրահեղորեն հավադեմ:

Այսախոտվ: Ավագը ստեղծագործում էր մի ժամանակաշրջան, երբ արևմտյան աշխարհի և հատկապես հոռմեական եկեղեցու ավդեցությունը կիլիկյանում նկատելի էր: 14-րդ դարի առաջին կեսին նույն երևույթը դիտարկվում է բռն Հայաստանում: Միարական գործունեությունը, որ վարում էր Հռոմի եկեղեցին թե Կիլիկյանում, թե՛ Հայաստանում ուներ իր պաշտպաններն ու հակառակորդները: Միարարության դեմ պայքարի հիմնական կենտրոնն էր Գլածորի Համալսարանը, ուր իր հոգևոր կրթությունն էր ստացել Ավագ ծաղկողը: Թվում է, թե Քրիստոսի դերի խիստ շեշտադրումով, հատկապես հրաշքներ պատկերող տեսարաններում և մանավանդ հրաշքներին հսկայական տեղ հատկացնելով իր ստեղծագործություններում Ավագը հետապնդել է հատուկ նախատակ—ընդգծել Փրկչի Աստվածային բնույթը տուրք տալով հայոց եկեղեցու միաբնակ ուղղությանը: Սա նկարչի համար ազգային հիմքնարտահայտման ուղի էր, հայ եկեղեցու հինավորոց դավանաբանական հիմքերը պաշտպանելու մի ձգում: Դժվար թե այնպիսի մի ավանդապահ ոյրուում, որպիսին էր միջնադարյան գոքի նկարապարդման պատկերագործությունը, նախատիպից կատարվող շեղումները պատահական բնույթ կրեին: Ապաքինումների նկարապարդումներում բաց թողնելով մանրամասներ, նկարիչն կարծես շեշտում է հրաշքի պահը. վեր հանում դրա աստվածային բնույթը: Ուրեմն և նրա ստեղծագործության մեջ երևան է գալիս մի նոր շերտ, զուտ գաղափարական ոլորտին վերաբերող մի երանգ, որն ինչ-որ չափով օգնում է լրացնելու նկարչի անհատանության մասին մեր ունեցած պատկերացումները:

Ավագ ծաղկողը իր ժամանակի հայ իրականության ամենակրթված, լայնախոն ու հետաքրքիր անհատականություններից մեկն էր: Այդ է վկայում նրա մեծ հմացությամբ ու նորին ճաշակով կերտված գեղանկարչությունը, խորախորհուրդ գրչությունը, և վերշապես, ժամանակակիցների մեջ վայելած մեծ հեղինակությունը, որը նա պարտական էր, անշուշտ, ոչ միայն իր նկարչական տա-

¹⁵ Der-Nersessian, Freer Gallery, p. 51.

¹⁶ Der-Nersessian, Freer Gallery, p. 51.

դանդին, այլև անհատականության ուժին ու հմայքին: Այսպես հժվար է բացատրել այն խանդավառ ընդունելությունը, որ նա գոտավ Կիլիկիայում ոչ միայն իր արվեստակիցների շրջանում, այլև ամենաբարձր խավի ներկայացուցիչների մոտ: Թանկարժեք թագավորական ընծան, նրա նկատմամբ Կիլիկիայում եղած վերաբերմունքի ամենալավ ապացուցն է:



«Հովհաննես Մկրտչի գլխատումը», Մատ., ձեռ.
№ 212 (1337 թ.)

Այսպիսի լայնախոհ, մեծ արվեստագետը, իհարկե, չէր կարող ամբողջովին անտեսել արտաքին աշխարհում ծավալվող գեղարվեստական գործունեությունը: Նախապես ասենք, որ արտաքին ապդեցությունները Ավագի մոտ ի տարբերություն իր շնորհայի գործընկեր Թորոս Տարոնացու, հանդես են գալիս իիստ միջնորդավորված ձևով: Բացառիկ դեպքերում զգացվում է անմիջական կապ բյուզանդական արվեստի հետ: Սա վերաբերում է 1337 թ. նկարագրությանը: 212 ձեռագիր Աստվածամոր ու մանկան պատկերին: Ավելի ճիշտ, այդ պատկերը պարզապես կարելի է անլանել մանրանկար սրբապատկեր մագաղաթի վրա:

Լատինական աշխարհը նույնպես թողել է իր աննշան կնիքը Ավագի ստեղծագործու-

թյան վրա, և նույնպես միջնորդավորված: Աշխարհիկ, կամ վիճակորական հագուստներ, գիշարկներ, զրահներ—ահա այն բնագավառը, ուր Կիլիկիայի միջոցով ի հայտ է գալիս Եվրոպան:

Ավագի ստեղծագործության մեջ յուրահատուկ տեղ է գրավում դիմանկարը: Իր հիմքում ունենալով Կիլիկյան ավանդույթը, այն ստանում է նորովի մեջնաբանում, օժտվում անհատական գծերով: Պատվիրատուններ պարոն Սորխաթմիշի ու նրա տիկին Բեկի խաթունի, պարոն Ասլանի ու հենց իր՝ ծաղկողի դիմանկարները շահեկանորեն տարբերվում են նախորդ շրջանի նկարներից: < 7650 ձեռագրում, «Վերջին դատաստան» մանրանկարի ներքին բուանցքի մոտ պատկերված է Ասլանը, գրկած մանուկին Քրիստոսին մատուցելու պահին: Դատերով հիշատակարանից, դա նրա՝ մանկամարդ վաղամետիկ որդին է: Նման կենդանի, իրապաշտական շնչով տոգորված ու, նույնիսկ, փոքրինչ կենցաղային բնույթի դիմանկարներ չեն հանդիպում ո՛չ բյուզանդական, ո՛չ կիլիկյան արվեստների մեջ, և ինչոր տեղ մնում են յուրահատուկ Ավագի արվեստին:

Խորանների պարդարվեստը և ավետարանիշների պատկերները Ավագի ստեղծագործության նվազ ինքնուրույն մասն են կապում: Նրանք մեծապես հետևում են կիլիկյան օրինակներին:

Ավագի՝ և ընդհանրապես միջնադարի որևէ նկարչի ստեղծագործության գեղարվեստական արժեքի բացահայտումը պայմանավորված է նախ և առաջ՝ միջնադարի գեղարվեստական խնդիրների պարզաբանմամբ: Սա խրթին, բայց թերևս այդ արվեստը հասկանալու միակ ուղին է: Որո՞նք էին նկարչի ստեղծագործության շարժիչ ուժերը, ներշնչման ավդաները, ինչպիսի՞ն էին հոգնոր նախադրյալները:

Խնդիրը, որ դրված էր Ավագի առջև—Քրիստոսի կյանքի դրվագների պատկերումը—շատ հին էր և համընդիմանուր իր ժամանակի քրիստոնյա աշխարհի բոլոր նկարիչների համար: Հարցը, որ գեղարվեստական տեսակետից ենթակա է քննարկման, այն է, թե միջոցները, որով նա աշխատում էր լուծել այդ խնդիրը, կրո՞ւմ են անհատական ստեղծագործական գործնթացի կնիք, թե ոչ: Հենց սկզբից կարող ենք այս հարցին դրական պատասխան տալ, այլապես Ավագի ստեղծագործության ինքնուրույն քննարկումը կիխներ անհմաստ, իսկ նրա ժառանգությունը կտարրալուծվեր այն բազմաթիվ մանրանկարչական ձեռագրերի մեջ, որոնք իրենց բանակով անշուշտ հարստացնում են ազգային արվեստի շտեմարանը, բայց ոչ

երբեք պարզում նրան ճշմարիտ ստեղծագործական անհատականություններ:

Ավագը, որ ոռուինյան ավանդույթների միակ հավատարիմ հետևորդն էր ԺԴ դարում, կարողացավ թափանցել նաև նրա գեղարվեստական համակարգի հոգեբանական շերտերի մեջ, ըմբռնել նրա արվեստի ներքին սկզբունքները, լիովին մարսել կրած ապդեցությունը և առաջարկել իր սեփականը: Այստեղ, իհարկե որոշիչ դեր էր իր խաղում նրա նկարչական տաղանդի առկայությունը. գեղանկարչությունը—մեր վարպետի ինքնարտահայտման հիմնական միջոցն էր, նրա անհատականության անքակտելի մասը: Որպես նկարիչ Ավագը գեղագետ էր, նրա նկարները լի են այն նրբագեղ, անորսալի բանաստեղծականությամբ, որը հիմնալի հաղորդվում է ձևի ու գույնի միջոցով: Իսկ կերպարների հոգեբանական տարբերակումը, նրանց ներաշխարհի խորքերը բափանցելու կարողությունը, բացահայտում է մի ուժեղ ու նրբագաց անհատականությունը, որը միաժամանակ ի վիճակի է բացարձակապես վերանալ անձնականից, և ներհուն ապրում ների ու խոկումների ճանապարհով թափանցել բարձրագույն հոգենոր ոլորտներ: Եվ ահա գերիրականի հետ շիման այդ պահերին «Ներքնածին» պատկերները ստանում են ձև, շունչ ու հոգի և հանձնվում մագաղաթին: «Ներքին աչքի» առկայությունը, որ հատուկ էր միջնադարյան ամեն մի նկարչի, իր դերն է կատարում Ավագի նկարներում և պահովում ստեղծագործական պողցեսի անմիջականությունն ու կերպարների ճշմարտացիությունը: Օժտված նկարչի հուժկու ավյունով՝ նրա կերպարները այսօր են պահպանում են զգացմունքային ուժը և ներգործում դիտողի վրա, հուկում նրան մարդկային բարյական արժեքների չխամրող կոռուպչամբ: Ի դեպ, ավետարանական բնագրերը, մանավանդ Տիրոց գործած հրաշքները իրենց բազմապանությամբ նկարիչներին տարբեր հորինվածքային մեկնարանում ների հնարավորություն էին տալիս: Այստեղ է, որ քիչ թե շատ դրսուրվում են նկարչի անհատականության հոգեբանական շերտերը: <Հաշքի խորհուրդը՝ իր ողջ մետաֆիկական բնությունը ու բարյական արժեքով այնպես է համակում նկարչին, որ ներշնչանքի վորությունը հասնում է բացարձակի ու տեսիլները վավերականի ուժ ստացած, փոխադրվում են մագաղաթի վրա, ներդաշնակելով հավատքի ու արվեստի զգայությունները: Այսպիսին է միջնադարյան նկարչի հավատամքը և այս հավատամքի գոյությամբ է, որ մենք արժեքավորում ենք նրա արվեստը: Այս հենքի վրա է, որ կերտվում են Քրիստոսի անզուգական կեր-

պարներ, քանի որ ինը Քրիստոսն է, որ համախ իր վրա է կրում իրադարձության ողջ հմացարանական ծանրությունը: Ավագի վրձնած քրիստոսներ դադարում են «ամիմանալի», «անըմբռնելի» վորության կամ ամենակալության ընդհանրացված խորհրդանիշ լինելուց: Այսքան խորն ու այսքան բազմաշերտ են նրանք իրենց ներաշխարհով, որ արտաքին տպավորության բնական չափերի խախտման կամ ձևերի



«Ղազարոսի հարությունը», Մատ., ձեռ. № 6230
(1358 թ.)

մակերեսային ապդեցության անհրաժեշտությունը միանգամայն բացառվում է: Չափերով Քրիստոսը չի տարբերվում մյուս գործող անձանցից. համամասնությունները ներդաշնակ են, ֆիզիկական նյութը՝ թեթև, կարծես անկշիռ, հայացքը լարված, որոշակի նպատակադրվածությամբ: Նուրբ դըրվագավորված, կենդանի դեմքը կերծ է որնետ ձնշղող կամ վերացական երանգից ու չի համապատասխանում ընդունված պատկերագրական կանոնին: Այստեղ գերակշռում է միտքը. սա իմաստուն, ամեն ինչ հասկացող ու ներող, անհունորեն մարդկային ու սիրող Քրիստոսն է, մեր նկարչի իդեալը: Ապահնումների ժամանակ նա մերթ համակ բարություն է, ինչպես արյունահոսող կնոջ դեպքում, մերթ անսահման կարեկ-

ցանք ու բարի կամք—ինչպես բեթսայիդացի կույրի հետ, մերթ էլ սեր ու ըմբռնում կույր Բարտիմեոսի նկատմամբ, որին նա դիմում է «Գնա», քո հավատը քեզ փրկեց» խոսքերով։

Եվ այսպես, պատմությունից պատմություն փոխվում է Փրկչի դեմքի արտահայտությունը, հարստանում նոր հոգեբանական երանգներով։ «Ղազարոսի հարության» մեջ նա պատկերված է կտրուկ շարժման պահին. աչքերի սևեռուն հայացքով, թափանցելով տարածության խորերը, Փրկչը նպաստ է, բայց ոչ Ղազարոսին, ոչ էլ նրա շուրջը, այլ դեպի Անհունը։ Կարծես նա տեսնում է մի օան կամ մեկին, որ ոչ ոք տեսանելի չէ. այդ «անհմանալիի», «անտեսանելիի» հետ երկխոսության, այդ կողու հայացքի ուժով է, որ մեռյալը վերակենդանանում է։ Ամբոխը քարացած է։ Փրկչի դեմքի ուրվագիծը հստակ է, խիստ ընդգրծված այտուկեներով։ հստակ գծագրված երկար, բարակ ողնուցով քթով։ Սակայն մեր հայացքը նորից ու նորից վերադառնում է մութ ստվերներով շրջանակված աչքերին ու հոգերի հատման այն կետին, դեպի ուր առաջնորդվում են թե՛ ճակատի, թե՛ դեմքի ծալքերի ուղղությունները. այդ է դեմքի կենտրոնաձիգ մասը, այդուղ է տեղավորված Փրկչի «հոգերը աչքը» Աստվածային իմաստությամբ լի։ Եվ հենց այդ՝ «տեսողական» ողջ հատվածն է, որ հաղորդում է կերպարին տիրակալի շունչ։ Այս պատկերը ինքնին իր հոգեբանական հարուստ գույներով, ներդրված անկրկնելի խորհրդով, մի ինքնամփոփ աշխարհ է։

Այդպիսին է և «Քրիստոսին նարդոսի յուղով օծող կինը» մանրանկարը։ Ավետարանական ընդարձակ պատմությունից Ավագը վերցնում է միայն ամենաէականը, ընտրում է միայն երկու ամենակարևոր անձանց—Քրիստոսին և կնոջը։ Մինչեւ Ռուսինի մոտ այս պատմությունը ներկայացված է ամենայն մանրամասնությամբ. ներկա են և Սիմոն Բորոտը, որի տանը տեղի է ունենում դեպք, և աշակերտները։ Ավագը իր միտքը ավելի ցայտուն դարձնելու համար կրծատում է երկրորդական անձանց ու թողնում միայն գիտակորներին, ստեղծելով թե՛ հոգեբանական, թե՛ գեղանկարչական առումով մի կատարելություն։ Այս պատկերի գործողության տրամաբանական հիմքը երկրային կյանքի օրինաչափությունները չեն։ Մարիամ Մագդաղնացու և Քրիստոսի դեմքերը ունեն վերացած, օտարության արտահայտություն, ոչինչ աշխարհական նրանց այլս չի հուզում, երկուսն էլ գիտեն ճակատագիր մասին ու ենթարկվում են նրան։ «Իմ մարմնի վրա

այդ յուղը թափելով նա իմ թաղվելը կանխանչեց։ Բայց ճշմարիտ եմ ասում ձեզ, որ ամբողջ աշխարհում, ուր էլ այս Ավետարանը բարովվի, պիտի պատմվի դրա հիշատակին նաև ինչ որ դա արեց» (Մատթեոս ԻՉ-13)։ Սա երկու մարդու միջև եղած հոգնոր կայի մի խորախորհուրդ, բարձրագույն սիրո և հավատարմության մի վկայություն է։ Նըրագեղ, անորսալի բանաստեղծականություն կա այս փոքրիկ նկարում։

Այսպիսուն, հրաշքների նկարաշարը օգնում է Քրիստոսի կերպարի առավել ամբողջական բացահայտմանը։ Այնքան կենդանի ու ուժգին է վերապրում նկարիչը հրաշքների հետ կազմած պատմությունները (այսինքն այնքան հիմնավոր էին նրա կյանքում քրիստոնեական բարոյագիտության դրույթները) և այսպես վարպետ է կատարման մեջ, որ ի վերջո այդ պատկերները օժտվում են ԺԴ դ. համար բացառիկ մի ոգեղենությամբ։ Սա հոգնոր կատարելության, մաքրագործման հասած ստեղծագործական մի վիճակի արդյունք էր, երբ արարվում են իրենց անաղարտությամբ ու վեհույամբ գերիրական կերպարներ։ Եվ այսպես, ոգեղենն լիցք հաղորդելով ֆիզիկականին, նկարիչը կարողանում է բացահայտել մարդկային հոգեբանության ամենանրին շերտերը, իմաստավորելով դրանք որպես բարձրագույն բարոյականության դրսերումներ։ Ինը սրանով է, որ Ավագ ծաղկողի ստեղծագործությունը առնչվում է արևեսի հավերժական հսայքի գաղտնիքների հետ։ Կարծես թե Ավագը իր առաջ խնդիր էր դրել այդ դառը և անհանգիստ ժամանակներում ժողովրդին նվիրաբերել կերպարներ, որոնք հակառակ գոյություն ունեցող ցածր կրծերին ու դաժան իրադարձություններին, մարմնավորեին լավագույն ու անաղարտը, ներդաշնակ մարդկային հարաբերությունները։

Ավագի ստեղծագործություններում Աստվածամոր կերպարը հայ մանրանկարչության ամենավեհ, ամենականացի ու քնքուշ կերպարներից է։ Քրիստոսը մարդկային ճակատագրով տառապող, մեղքն ու քավությունը իր վկա վերցրած մի եակ, առաջաւենրը՝ հավատի վիճուներ։

Ավագի ստեղծագործության ողջ գեղարվեստական համակարգի ձևաբանական տարրերը՝ գծանկարի ու հարթության հարաբերությունները, շարժումների ու դիրքերի համարումները, հորինվածքային անկանությունը—ըստ էության ժամանակի գեղագիտական պրատումների սահմաններում էին, սակայն դրանք, հավանաբար գալիս էին ոչ թե իրականության անմիջական ընդօրինակումից, այլ նկարչի ներաշխարհի հետ

կապված, խորապես ապրված ու գիտակցված մտապահէերներից: Այլապես, դժվար թե միջնադարյան նկարչի գիծը, գոլյուր կամ այլապէ ոճական հատկանիշներ ունենային այս գրավիչ անվեճությունը, այն ոգեղես լիցքը, որ բացահայտվում է Ավագ ծաղկողի ստեղծագործության գործող անձանց ֆիզիկական կերպարներում:

Այսպիսով, Ավագը հասնում է քրիստոնյա նկարչի բարձրագործն ապատակին. Նրա վրձնած պատկերները նորից ու նորից օգնում են զգալու, հարաբերվելու «անիմանելիի», «անտեսանելիի» հետ, խորհրդածելու Մարդու ու Աստծո հարաբերությունները:

Մարդու հոգևոր աշխարհը ավելի բազմակողմանի արտացոլուում խնդիրը ուղեկցվում է գեղանկարչական-ոճական փոփոխություններով: Անձինք ձեռք են բերում ֆիզիկական շոշափելիություն. սա ոգեղենությունը բացահայտելու մի օժանդակ միջոց է՝ անկենդան, խորհրդանշական մարմիններին կենդանություն հաղորդելու համար: Ավագը խուսափում է «հոգեբանական վիճակների» պարզունակ ցուցադրումից: Նա ձգուում է «կերպարայնության»՝ հոչակերպ ու հաստատելով քրիստոնեական բարոյականության սկզբունքներ: Յուրահատուկ հետաքրքրություն են ներկայացնում «Թաղում», «Խաչելություն» կամ «Խաչից իշեցնելը» պատկերները, որոնք թեև իրենց պատումով անսահման հնարավորություն են ընձեռում գիրծող անձանց հուսական վիճակների պատկերման համար, բայց խորհրդավոր են իրենց ամբողջության մեջ, ներպայում մթնոլորտով, տպագործ՝ կերպարներով: Ավագը արտակարգ մեծ վարպետություն է դրսեւում «Խաչից իշեցնելը» նկարում, որը մի բացառիկ օրինակ է թե՛ իր գծանկարով, թե՛ տարածության կազմակերպմամբ: Անձերի համամասնությունների աննախադեպ խախումներն այստեղ հանգեցնում են հայմանրանկարչությանը մինչ այդ անհայտ շատ համովիչ ձևաբեկման: Մարիամի և Սաղոմեի մարմինները ձգված են, երկարացված. պարզ է, նկարիչը մտածել է անձերին մանրանկարի՝ շրջանակի ներսում կանոնական օրենքներով դասավորելու պահանջից: Բացարձակ վարպետությամբ, մարմնակապմության կատարյալ իմացությամբ, միջնադարի համար ոչ սովորական, բարդ ռակուրսային հաշվումներով է կատարված խաչին հետևի կողմից հենված <ովսեփ Արիմաթեացին>: Նկարը պարուրող մթնոլորտը մեղմ է, տիրությամբ լի, բայց ոչ լարված: Հետաքրքրիր է դրվագավորված Քրիստոսի դեմքը: Գույնը դառնում է կատարողական եղանակի հիմնական տարրերից մեկը, օգ-

նում կերպարի ընդգծմանը: Կանաչի աստիճաններին անցումներով նկարիչը կարողանում է ստեղծել բարդ, ոչ ամենակին միատարր արտահայտությամբ մի դեմք, որի նյութեղեն պատյանին հավել է մահը: Վըրձնահարվածները մանր են, թերթի, տեղ-տեղ սպիտակի օգտագործմամբ, այնպես որ գունային կազմը ինքնին դառնում է լուսաբեր, կիսատոններով հարուստ: Կատարողական նման եղանակը հոգեբանական բարդ երանգներ արտահայտելու հնարավորություն է ստեղծում:

Ավագ ծաղկողի արվեստի հական հատկանիշներից է վառ գունեղությունը, պայծառ, բայց ներդաշնակ ներկապնակը: Նրա ներկապնակի հիմնական տարրերն են մաքուր, լայնանիստ կապույտը (որը դժբախտաբար տեղ-տեղ կորցրել է իր սախկին թարմությունը), շքեղ, երբեմն նույնիսկ ծանրակշիռ ուսկին, պատկերներին չխամրող թարմություն հաղորդող հիանալի, խորը կարմիրը, թանձր, բավմերանգ կանաչը: Կա, սակայն, մի հատկանիշ, որը նրան տարբերում է Մայր Հայաստանի ինչպես նախորդ շրջանների, այնպես էլ իր ժամանակակից վարպետներից և մոտեցնում գույնի ու ձևի կիրկան ըմբռնմանը: Գույնը նրա ներկապնակում հավասար հարթություններով չի հանդես գալիս: Մեկ տոնի ասիմաններում, այն հետպետու ուժեղանում է կամ թուզանում, համապատասխանեցվերով մարմինների առածականությանը, լուսավորվածությանը: Նման մոտեցումը տվյալ որակի սահմաններում վերջիվերջո հանգեցնում է ուրույն «գունաստվերի», որը, ըստ Էռլյան, շատ հեռու է իրական լուսատվերից, բայց արդյունավետ է ձևաստեղծման տեսակետից: Այս հարցում Ավագը կիրկան վարպետների հավատարիմ աշակերտն է: Հկա այլև երբեմնի անշարժությունը, խորհրդանիշ-կերպարների միմյանց նկատմամբ ունեցած անհարդությունն ու մեկուսացվածությունը: Ըսդհակառակը, հրեշտակների հումկու թևերից կարծես ժայթքում է մի հայտնուն հոսանք, որ համակում է իրադարձության մասնակիցներին (ծնունդ, ավետում). Կա գործողության մի ընդհանուր մթնոլորտ, շարժման մի վիճակ, որ առկա է գրեթե բոլոր մանրամասներում:

Մատենադարանում պահվող չորս առատորեն նկարագրդված ձեռագրերը, թեև ոչ վերջնական, բայց բավկանին լուրջ պատկերացում են տախի Ավագի արվեստի վարգացման ժամանակահատվածների մասին: 1337 թ. 212 ձեռագիրն ունի ավելի քան 100 մանրանկար, ուր գերակշռում են Քրիստոսի հրաշքները պատկերող տեսարաններ: Այս ձևագրի վարդարևմանի ոճը

կուտ գեղանկարչական է. գծանկարի չորրորդընը, որ առկա է դեռևս նախորդ՝ 1329 թ. ձեռագրում, այստեղ անհետանում է: 1337 թ. ավետարանի մանրանկարները իրենց թե՛ պատկերագրությամբ, թե՛ ոճով առավելագույնս հարուցում են կուգորդում-ներ արդեն նշված կիլիկյան ձեռագրի հետ: Բավկան է հիշել հորինվածքային լուծումով անկաշկանդ, տոնական տրամադրությամբ ներշնչված «Մուտք Երուսաղեմ»-ը:

Ավագի ստեղծագործության, մեզ հայտնի ամենահետաքրքիր նմուշը, սակայն, նրա գլուխգործոցը՝ 1356—58 թթ. Ակարապարդված Աստվածաշունչն է: Այս ձեռագրի նըկարապարտումները բացահայտում են գեղագիտական սկզբունքները վերջնականացնելու մշակած, հասուն մի նկարչի, որը թե՛ իր տաղանդով, թե՛ փորձով ստեղծագործական ուժերի ծաղկման բարձրակետն է: Նկարչի վարպետությունը հասել է այնպիսի մի մակարդակի, որ ինչպես ոճական առանձին խնդիրների, այնպես էլ շատ ավելի բարդ հարցերի լուծման մեջ (օրինակ՝ Եջի կալվանիկերպումը) զգացվում է մի անկաշկանդ ու թեթև կատարում, ինչ որ ժԴ դ. բացահիկ նկարիչներին էր հասուկ: Նրա հորինվածքները երբեմն մի այնպիսի սահունությամբ տարածվում են հանդիպահյու Եջերի վրա, որ մի պահ մոռանում են, որ

նկարիչը միջնադարի մարդ է, պատկերագրական խիստ կանոններով սահմանափակված: Այս ձեռագրում առավել քան միուններում Ավագի տաղանդը դրսևորվում է իր հասունության ու մշակվածության ողջ փայլով:

Այսինով, Ավագ ծաղկողի ստեղծագործության ողջ գեղարվեստական համակարգը թե՛ պատկերագրության, թե՛ ոճի ոլորտում հարուստ է ավանդական, բուն հայկական ձևերով, նոր ճաշակի արտահայտություններով և երբեմն ինքնուրույն, հետաքրքիր ու լուրջ պրատումներով: Այդ արվեստը բնորոշվում է որպես Մայր Հայաստանի ու Կիլիկիայի արվեստների մի ներդաշնակ, յուրատիպ համադրում: Սակայն այն ոգեղինությունը, որ կրում են իրենց մեջ Ավագի կերտած կերպարները, համապորը չուներ ո՞չ Կիլիկիայի, ո՞չ Մայր Հայաստանի ԺԴ դ. արվեստներում, այլ միայն ու միայն նրա արվեստագետի զգայնության ու մեծ անհատականության դրսւորման արդյունքն է:

Եվ որքան կենդանի մնան մեր մեջ Ավագ ծաղկողի ստեղծած անվուգական կերպարները, այնքան կամրապնդվի մեր հավատը ապնիվի ու բարձրագույնի, մարդկային մաքուր ու անկեղծ հարաբերությունների, լավագույն սպասումների իրականացման նըկատմամբ:

